

Eadem die in vespere.

Praefatus dominus visitator visitavit ecclesiam parochialem sub invocatione sancti Petri de Nescia, cuius de praesenti est rector admodum reverendus dominus Petrus Simeon de Petruccis, quam assequutus fuit octo circiter abhinc mensibus per concursum, ut ex bullis suae collationis Romae expeditis apparet, percipiens in annuo reddito libras quatuor centum circiter monetae genuensis, consistentes in decimis, primitiis et oblationibus nec non ex aliis fructibus provenientibus ex bonis stabilibus ecclesiae.

Visitavit sanctissimum sacramentum, quod invenit asservari in pixide ex auricalco in totum deaurata, conopaeo albi coloris instructa cum cruce in eius summitate, et est elegantis formae inservitque pro adoratione et communionibus generalibus. Visitavit etiam aliam pixidem parvam ex argento intus deauratam cum sua bursa serica, quae inservit pro asportando sanctissimo viatico ad infirmos, et quia est in aliqua parte fracta [*sic*] mandavit infra duos menses readaptari. Ostensorium pro expositione sanctissimi non adest, ideo mandavit de eo provideri saltem infra annum, de pluviali etiam infra praedictum tempus. Velum humerale invenit lacerum et fractum [*sic*], ideo mandavit infra bimestre de novo albi coloris serici [provideri]. Vidit baldachinum sericum elegantis formae pro processione cum sanctissimo, sicut etiam umbellam ad formam, mandavit tamen in summitate eius apponi crucem. Vidit lanternas magnas ad formam, sicut etiam caereos pro deferendo sanctissimo, de quibus providetur a communitate. Ante ipsum sacramentum pendet lampas ex auricalco ad formam continuo ardens ex impensis communitatis. Dictum sanctissimum sacramentum asservatur ad altare maius in tabernaculo ligneo in totum deaurato exiguae sed pulchrae formae, munito sera et clave, quam clavem mandavit quam primum deaurari saltem infra semestre, est etiam suis conopaeis diversi coloris instructum et de baldachino ligneo supra se proviso (*lire* provisum). Vidit turribulum cum eius navicula ex auricalco ad formam.

Visitavit fontem baptismalem, cuius vas est constructum ex lapide et calce, ciborium vero ligneum absque [316v] conopaeo et sera, ideo mandavit de sera secreta et clave provideri quae detineri debeat apud parochum, et etiam de conopaeo, saltem infra bimestre. In dicto fonte vidit cochlear stamneum ad formam, vidit etiam vasa stamnea oleorum chrysmatis et catechumenorum ad formam. Visitavit etiam oleum infirmorum in vase stamneo, quod invenit asservari in scamno, ideo mandavit in posterum asservari debere in fenestrula, quam mandavit fieri in pariete prope altare maius in cornu evangelii et eam vestiri intus panno violacei coloris et muniri sera secreta et

clave quae detineatur apud parochum, supra inscribendo litteris maiusculis *Oleum infirmorum*.

Doctrina christiana docetur per ipsum parochum singulis diebus dominicis inter missarum solemnias.

Nuptiae non benedicuntur, ideo mandavit in posterum benedici ad formam missalis romani, et si sponsi negligentes fuerint in benedictione petenda contra eos poenam (etc.).

Prope supradictum fontem vidit sacrarium, quod mandavit parum elevari et ostiolo muniri cum sera secreta et clave quae detineri debeat apud parochum, saltem infra mensem.

Procuratores dictae ecclesiae renovantur singulis annis et computa tunc temporis redduntur coram paroco et communitate.

Visitavit altare maius, quod manutenetur a communitate, nullum habens redditum nec onus nec ulla gaudens indulgentia, et est sufficienter provisum de icone antiquae formae partim deaurata <e >(?) et etiam de reliquis necessariis ad celebrationem missae. De candelis pro celebrandis missis providetur a communitate.

Visitavit altare sub titulo Purgatorii, pariter manutenetur ab eadem communitate, est provisum de icone cum ornamento columnarum circum circa sculptarum ad formam nec non de reliquis pro celebratione missarum quae ibi celebrantur absque ullo onere et reddito. Vidit suppellectilia sacra, quae invenit asservari in quodam scamno, et sunt tolerabiliter sufficientia.

Visitavit sedem confessionalem, quam invenit laceram [317r] et franctam [*sic*] deterioris formae, et mandavit de altera provideri infra sex menses, et in ea mandavit apponi schedulam casuum reservatorum et summarium bullae Coenae nec non apponi lamina foratum.

Corpus ecclesiae est tolerabiliter ad formam, mandavit tamen eius pavementum readaptari. Fores eiusdem ecclesiae sunt munitae clave quae detinetur paenes parochum et sunt ad formam. Cadavera defunctorum sepeliuntur in caemeterio prope dictam ecclesiam, quod visitavit, ad formam, cum cruce in eius medio elevata; sepeliuntur etiam in ecclesia sacerdotes in quibusdam foveis.

Vidit pulpitum, in quo solet concio haberi tempore quadragesimali et diebus solemnioribus infra annum.

In hac parochia non adest societas mulierum neque recitatur rosarium beatae Virginis, ideo hortatus est ut procuretur.

Visitavit libros parochiales et mandavit omnino servari formulam ritualis romani tam in

matrimoniis quam in nominibus baptizatorum et defunctorum conscribendis, sicut etiam mandavit confici librum de statu animarum, quas dictum fuit esse in hac parochia in totum bis centum, ex quibus centum communicantur, et omnes paruerunt praecepto ecclesiae.

Visitavit aedes canonicales, quas invenit tolerabiles pro hoc loco.

[*en marge*] Oratorium

Visitavit oratorium prope ecclesiam parochialem, quod manutinetur a confraternitate laicali ibi auctoritate ordinaria erecta sub capitulis ab eodem approbatis. Dicti confratres induunt cappas albas et habent suos officiales, cuius caput vocatur prior, et renova[n]tur ter in annum, excepto massario qui durat annum, et tunc temporis redduntur computa coram parcho et confraternitate; sed ad praesens non reperitur massa pecuniaria sed tantum providetur elemosinis. Dicti confratres congregantur singulis diebus festivis in dicto oratorio et solent recitare officium beatae Mariae virginis et alias preces effundere.

Visitavit altare noviter erectum speciosae formae, et est provisum de icone et de reliquis necessariis ad celebrationem [317v] missae quae solet in eo aliquando celebrari absque ullo reddito et onere et absque ulla indulgentia. Corpus oratorii est ad formam, mandavit tamen dealbari. Ianua ipsius oratorii est munita clave quae detinetur paenes priorem.

In hac parochia reperitur unus presbiter, scilicet presbiter Ioannes Maria de Iuntinis, qui prout attestatus est dominus parochus est bonae vitae et famae, incedens in habitu et tonsura, et inservit ecclesiae.